

AUGLÝSING**um nýja lyfsöluskrá II.**

197

23. sept.

Frá og með 1. október 1952 gengur í gildi ný lyfsöluskrá II, útgefin af þessu ráðuneyti 19. þ. m.

Heilbrigðismálaráðuneytið, 23. september 1952.

Steingrímur Steinþórsson.

Gústav A. Jónasson.

REGLUGERÐ

um breyting á reglugerð nr. 195 15. nóv. 1951, um hina almennu deild hlutatryggingasjóðs bátaútvegsins.

198

25. sept.

1. gr.

3. gr. b. 5. reglugerðarinnar orðist svo:

5. svæði: Sléttanes — Horn.

1. janúar — 31. maí.

1. október — 31. desember.

2. gr.

Reglugerðarbreyting þessi öðlast gildi þegar í stað.

Reglugerð þessi er sett samkvæmt lögum nr. 48 25. maí 1949, um hlutatryggingasjóð bátaútvegsins, og birtist til eftirbreytni öllum þeim, sem hlut eiga að máli.

Atvinnumálaráðuneytið, 25. september 1952.

Ólafur Thors.

Gunnlaugur E. Briem.

REGLUGERÐ

um viðauka við reglugerð nr. 188 1. okt. 1947, um mótornámskeið.

199

1. okt.

1. gr.

Á minna og meira námskeiðinu skal — auk þess, er greinir í reglugerð nr. 188 1917, — kenna meðferð og umhirðu eftirtalinna tækja: talstöðva, viðtækja, miðunarstöðva og dýptarmæla, ásamt búnaði þessara tækja í skipum.

Kennslustundir í þessari grein skulu vera minnst 24.

2. gr.

Að loknu námi skal jafnhliða mótörvélstjóraprófi halda próf í þessari grein. Skal það haldið af hinni skipuðu prófnefnd ásamt einum sérfróðum prófdómara, er Landssími Íslands tilnefni.

199

3. gr.

1. okt. a. Til hins minna námskeiðsprófs þarf:

Þekking á höfuðatriðum byggingu nefndra tækja, hvernig þau vinna, kunna að starfrækja þau, þar á meðal viðskiptareglur, og vita hvernig á að prófa hvort þau séu í lagi.

Vita í hverju almenn umsjón og umhirða tækjanna, ásamt búnaði þeirra í skipum, er fólgin.

Þekkja tengingu tækjanna við rafmagnskerfi skipsins, hleðslutöflur, rafmagnsgeyma, rafhlöður, loftnet, jarðsambönd o. s. frv.

Geta sett upp bráðabirgðalofnet og geta tengt tækin við aðra geyma í skipinu, ef á þarf að halda, út á sjó.

Vita hvaða varahluti er nauðsynlegast að hafa um borð, og geta skipt um þá.

Vita hvað þarf að gera til þess, að gera tækin starfhæf til bráðabirgða, ef sjór kemst í þau, eða önnur óhöpp gera þau óstarfhæf.

Kunna að miða og reikna út stefnu skipsins frá ákveðnum radiovitum.

Þekkja einföldustu aðferðir til að deyfa radiotruflanir frá rafölum og rafvélum í skipum.

b. Til hins meira námskeiðsprófs þarf fyllri þekkingu á framanskráðu.

4. gr.

Prófið er bæði munnlegt og verklegt. Verkefni velja prófdómararnir, en kennarinn í þessari grein heldur prófið og dæmir um kunnáttu prófsveina ásamt prófdómurinum.

5. gr.

Við prófið skal gefin ein einkunn með tölugildinu 0—8 með þriðjungs millistigum.

Að loknu prófi skulu prófsveinar fá sérstakt prófvottorð í þessari námsgrein eftir þessari fyrirmynd:

Hr. fæddur

hefur lokið stunda námskeiði og staðizt próf í starfrækslu venjulegra talstöðva, viðtækja, miðunarstöðva, dýptarmæla og tilheyrandi búnaði tækjanna, hirðingu þeirra og lagfæringu einföldustu bilana, sem hægt er að gera án þess að hreyfa við lóðningum eða innri byggingu sjálfra tækjanna.

Þetta nær til talstöðva allt að wött í loftnet.

Einkunn.

Reykjavík,

.....
kennari.
.....

.....

6. gr.

Glati mótorvélstjóri prófskírteini sínu, á hann rétt á að fá eftirrit af því hjá Fiskifélagi Íslands, ef hann æskir þess.

7. gr.

Reglugerð þessi öðlast þegar gildi.

199

1. okt.

Menntamálaráðuneytinu, 1. október 1952.

Björn Ólafsson.

Birgir Thorlacius.

Staðfesting forsetans á skipulagsskrá fyrir „Kirkjubyggingarsjóð Ytri-Njarð- 200 vikur“, útgefin á venjulegan hátt að mandatum af dómsmálaráðherra 1. okt. 1952. 1. okt.
Skipulagsskráin er þannig:

SKIPULAGSSKRÁ

fyrir Kirkjubyggingarsjóð Ytri-Njarðvíkur.

1. gr.

Sjóðurinn er stofnaður af Þorlaugu Magnúsdóttur í Höskuldarkoti í Ytri-Njarðvík, til minningar um látna unga ástvini hennar frá Höskuldarkoti. Stofnfé sjóðsins er kr. 1000.00.

2. gr.

Starfsemi sjóðsins skal vera á þessa leið: Þegar höfuðstóll sjóðsins hefur vaxið það, að hann nemur kr. 100000.00 — eitt hundrað þúsund krónum —, skal sjóðnum varið til kirkjubyggingar í Ytri-Njarðvík.

3. gr.

Sjóðurinn tekur á móti minningar- og dánargjöfum; einnig tekur hann á móti almennum gjöfum. Allar gjafir skal skrá í sérstaka gjafabók. Þar skal skrá nafn þess, er gjöfin er gefin til minningar um, ásamt fæðingar- og dánardegi; síðan skal skrá fjárupphæðina og nafn þess, er gefur. Almennar gjafir skal skrásetja með nafni gefanda og fjárupphæð. Allar gjafir skal skrá með dagsetningu.

4. gr.

Sjóðurinn má gefa út minningarspjöld.

5. gr.

Stjórn sjóðsins skal falin þremur mönnum. Kvenfélag Njarðvíkur skipar einn, Ungmennafélag Njarðvíkur annan, og hinn þriðji skal tilnefndur af hreppsnefnd Njarðvíkurhrepps, og skal hann vera formaður sjóðstjórnar. Hætti Njarðvíkurhreppur að vera til sem sjálfstætt sveitarfélag, skal sýslunefnd Gullbringusýslu tilnefna formann sjóðstjórnar. Ef Ungmennafélag Njarðvíkur og Kvenfélag Njarðvíkur leggjast niður, skal biskupinn yfir Íslandi tilnefna tvo menn, búsetta í Ytri-Njarðvík, í stjórn sjóðsins. Stjórnarmenn sjóðsins skal tilnefna til fjögurra ára í senn.

6. gr.

Sjóðinn skal ávaxta í hinum Almenna kirkjusjóði Íslands, en yfirumsjón með sjóðnum hafa forráðamenn kirkjunnar, eins og kirkjulöggjöfin mælir fyrir um.